



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

12. Et Nicolai Papæ.

urn:nbn:de:hbz:466:1-38277

XI. Anno DCCCXLII. Lotharius Imperator Ludovicum, Caro-
lumque fratres bello aggressus, acie vincitur, fugamque capit.
Episcopi Galliae Aquis convenientiunt, & Lotharium Regno, Impe-
riōq; abdicant, duobus fratribus in ejus locum suffectis; priū tamen
de Lotharij criminibus cognoscunt, vindicantque, ac tunc demum
Imperio ejiciunt; sed nec fratres admissi, nisi priū se justè & ex
legum præscripto regnatores jurassent; audi Nithardum, Fran-
cum nobilissimum, & Caroli M. ex filia nepotem, quīque omnia
corā spectabat; sic enim inter alia: *Qui Episcopi ab initio gesta Lotharij
spectantes, quomodo Patrem suum Regno pepulerit: quoties populum Christi num
perjurum effecit: quot homicidia, adulteria, incendia universali Ecclesia suā
infandissimā cupiditate perpessa sit: insuper autem nēque scientiam gubernanda
Republique illam habere.* Ergo omnibus unanimiter visum est, atque consentiunt,
quod vindicta Dei illum ejecerit, Regnumque fratribus suis melioribus se ad regen-
dum tradiderit. Veruntamen haud quaquam illis Episcopi hanc licentiam dedere,
donec percutiat sunt, an secundum Dei voluntatem regere vellent? & respon-
ditibus se velle, ajunt, & auctoritate divinā ut illud suscipiantis, & secundum Dei
voluntatem Regatis, monemus, hortamur, atque precipimus. Vides hic,
Gallia Episcopos jus Imperijs ac Regibus dicere, nostrāmque sen-
tentiam non calamo solum, sed exemplo docere, & Coronas de-
uno in aliud Caput transferre, certis tamen, fixisque legibus, & ju-
ramento sanctis: quid amplius velis?

XII. Anno DCCCLX. Ludovicus Pius Imperator, cùm tres
filios reliquisset, Lotharium primum Imperatorem, Ludovicum
Germaniæ Regem, & Carolum Calvum, istorumque factionibus,
bellisque Civilibus, diu Imperium & Gallia conflictarentur; tan-
dem inter Ludovicum & Carolum fratres, eorumque exfratre ne-
potem Lotharium (filium Lotharij Imperatoris) pax sancta est,
ac mutuis juramentis firmata; sed Caroli ambitio, pasto um
ac finium impatiens omnia abruptit, invasitque fratis ac nepotis
Provincias; hinc à Ludovico & Lothario ad Nicolaum querelæ,
quibus ut invasorem compesceret petebatur; inter alia sic Ponti-
ficem alloquuntur: (a) *Oporteret vestra auctoritatis iubay propter gene-
talem solitudinem nostros invadere fines, ut quos nulla movent fraterna charitatis
visceret.*

(a) Exactis Concilij apud Confluent: in M.S. Cod. Anton. August. ap.
Baron. ad ann. 860.

Aaaa 3

visceret

viscera, Apostolica investitio ad censuram venire Ecclesiasticam compellat. Vides hic testimonio Regum Galliae, posse Romanos Pontifices de causis Principum temporalibus cognoscere, sententiam proferre, & compellere repugnantes, quod magis etiam ex mox dicendis apparebit. Nam cum idem Lotharius Waldradam pellicem deperiret, eamque abdicata Theutperga Reginam, in thorum recepisset, Nicolaus Papa, nisi protinus resipiceret, non tantum Ecclesiam, sed etiam Regno le illum amoturum minatus est. Sic enim loquitur: (a) Non putamus, te in tantam tui perniciem devolvendum, ut contra nostras definitiones, vel adversus dictam scemnam B. Petri confusio prorsus innixam, agere quoquo modo consentias, cum tibi potius & Regno tuo, quam Theutperga acquiras omnino dispendium. Quibus verbis Regni abdicationem minari Nicolaum non solum Baronius & Spondanus ad an. DCCCLXVI. testantur, sed etiam ipse Lotharius agnovisse videtur, quando in hæc verba (b) reverentiae & modestiae plena Nicolao respondit: *Uti Antecessores nostri Sanctissimorum Predecessorum vestrorum monitis obedierunt, ita nos etiam coram excellentia Apostolatus vestri nos humiliare cupimus; quamobrem cernuo lumine vestram affatim depositimus Paternitatem, ut dum nos vobis, missisque vestris per omnia obedire volumus, non aliquem nostri DEO miserante consimilem super nos extollere, aut terra preponere vestra libeat Paternitati, ne forte ipsi talen contra moliri velint causam, quam tolerare non valens pro Regio munimine, inter nos aliquod scandalum evenire possit.* Et infra: Nulli prorsus homini subjacti esse volentes, nisi DEO, & sancto Petro, ac caeteris Sanctis, vestrag. Paternitatis culmini, mi Pater & Domine &c. Vides profiteri Lotharium, se nulli prorsus homini subjactum esse, nisi sancto Petro, ac caeteris Sanctis, quod utique de subjectione temporali saltem indirecta accipiendum est, si enim de subjectione merè Spirituali intellegas, quis nescit, Reges non soli Pontifici, sed etiam Episcopis, alijsque Sacerdotibus subjectos esse? Rursus illa verba: *Vestram depositimus Paternitatem, ne aliquem nostri consimilem super nos extollere, aut terra preponere libeat;* aperte significant, & Pontificem minatum esse, & Regem timuisse, ne alius Regno imponeretur.

XIII. Anno DCCCLXIX. Mortuo Lothario Carolus Calvus ejus Regnum invadit, occupatque assensu Procerum, excluso Ludo-

(a) Epist. Nicol. 5r. apud Binn. T. 3 Conc. sect. 2. (b) Epist. Loth. ad Nicol. PP. ex Cod. Treu. ap. Baron. ad ann. 866. n. 43.